



UPRAVNI ODBOR

Broj: 01-02-2-2619 /26  
Bihać, 17.04.2026 . godine

U skladu sa članom 103. Zakon o zdravstvenom osiguranju F BiH („Službene novine Federacije BiH“ broj: 30/97,7/02,70/08,48/11,36/18 i 61/22), člana 26. Statuta Zavoda zdravstvenog osiguranja Unsko-sanskog kantona Bihać („Službeni glasnik USK-a“ broj: 12/2015), a u vezi Finansijskog plana Zavoda zdravstvenog osiguranja za 2026. godinu, Upravni odbor Zavoda zdravstvenog osiguranja Unsko-sanskog kantona na sjednici održanoj dana 17.04.2026. godine donosi sljedeću:

**ODLUKU**

o sufinansiranju troškova MammaPrint testa u 2026. godini

**Član 1.**

Ovom Odlukom utvrđuju se kriteriji, način i postupak ostvarivanja prava kao i visina iznosa sredstava za sufinansiranje troškova genetskog testiranja MammaPrint-MammaBlue testa kod onkoloških pacijenata.

**Član 2.**

Sredstva za sufinansiranje troškova iz člana 1. ove Odluke osigurana su u Finansijskom planu Zavoda zdravstvenog osiguranja Unsko-sanskog Kantona za 2026. godinu na ekonomskom kodu 613 946 28.

**Član 3.**

Zahtjev za ostvarivanje prava na sufinansiranje troškova genetskog testiranja MammaPrint-MammaBlue testa razmatra komisija Zavoda zdravstvenog osiguranja Unsko-sanskog kantona za liječenje van kantona i u inostranstvu.

Komisija iz stava (1) ovog člana daje prijedlog na osnovu kojeg rukovodioc nadležne poslovne Zavoda donosi rješenje o sufinansiranju troškova u skladu sa ovom Odlukom.

Odjeljenje za provođenje zdravstvene zaštite i ostvarivanje prava iz zdravstvenog osiguranja obavlja sve administrativne poslove za potrebe Komisije, te je obavezno da vodi evidenciju o broju zaprimljenih zahtjeva, odobrenih i odbijenih zahtjeva i novčanih sredstava utošenih za ovu namjenu .

**Član 4.**

Zahtjev za ostvarivanje prava na sufinansiranje troškova MammaPrint-MammaBlue testa podnosi osigurano lice ili njegov punomoćnik.

Zahtjev iz stava (1) ovog člana podnosi se nadležnoj poslovnicu Zavoda zdravstvenog osiguranja Unsko-sanskog kantona po mjestu prebivališta podnosioca zahtjeva.

**Član 5.**

Uz zahtjev za ostvarivanje prava na sufinansiranje dostavlja se slijedeća dokumentacija:

- Nalaz i mišljenje ordinirajućeg ljekara specijaliste onkologije sa preporukom za dijagnostičkom procedurom MammaPrint testa uz ostalu relevantnu medicinsku dokumentaciju
- Originalnu plaćenu fakturu/račun o izvršenoj i pruženoj usluzi na ime osiguranog lica/podnosioca zahtjeva,
- Transakcijski broj tekućeg računa podnosioca zahtjeva.

Komisija zadržava pravo da traži dopunu dokumentacije u svrhu dokazivanja ispunjenosti uslova za sufinansiranje prava iz ove Odluke.

Potpisivanjem zahtjeva i predajom gore navedene dokumentacije ujedno je data saglasnost za obradu ličnih podataka u cilju vođenja postupka i rješavanja predmeta.

**Član 6.**

Zavod će sufinansirati sredstva utrošena za izvršeno genetsko testiranje MammaPrint-MammaBlue testa u 100% iznosu.

Finansiranje troškova za genetsko testiranje, vršit će se po redoslijedu primljenih zahtjeva putem protokola Ljekarske komisije Zavoda, do utroška planiranih sredstava predviđenih u Finansijskom planu za tekuću godinu.

## Član 7.


Podnešeni i neriješeni zahtjevi za ostvarivanje prava na sufinansiranje troškova genetskog testiranja MammaPrint-MammaBlue testa, koji su podneseni u tekućoj godini, a prije stupanja na snagu ove Odluke okončat će se prema odredbama ove Odluke.

## Član 8.

Ova Odluka stupa na snagu danom donošenja i objavit će se na službenoj stranici Zavoda zdravstvenog osiguranja Unsko-sanskog Kantona.

Predsjednik privremenog Upravnog  
odбора

Zuhad Porčić, dipl.ing.



## Dostaviti:

- Direktoru Zavoda
- Odjeljenju za provedene zdravstvene zaštite
- Odjeljenju za finansijsko-računovodstvene poslove
- Poslovnicama Zavoda
- a/a

## OBRAZLOŽENJE

Pravni osnov za donošenje Odluke sadržan je u članu 103. Zakona o zdravstvenom osiguranju F BiH („Službene novine F BiH“ br. 30/97, 7/02, 70/08, 48/11, 36/18 i 61/22), članu 38a Pravilnika o načinu ostvarivanja prava iz obaveznog zdravstvenog osiguranja („Službene novine F BiH“, br. 31/02 i 20/19) i članu 26. Statuta Zavoda zdravstvenog osiguranja Unsko-sanskog kantona („Službeni glasnik Unsko-sanskog kantona“ broj: 12/15 i 9/19) i inicijative skupštinskog zastupnika

U cilju realizacije inicijative zastupnika u Skupštini Unsko-sanskog kantona za planiranje sredstava u Finansijskom planu Zavoda za genetsko testiranje mamma print, mamma blue, a koji se koristi kod onkoloških pacijenata koji boluje od *ca mammae* a radi utvrđivanja najbolje primjenjujuće terapije kod konkretnog pacijenta, Zavod je u Finansijskom planu za 2026. godinu obezbjedio sredstva za ove namjene. Kako i dalje postoji potreba za navedenim uslugama i kroz finansijski plan za 2026. godinu na poziciji 613 946 28 planiranu su sredstva za ove namjene u iznosu od 150.000,00 KM.

Shodno navadenom, a u cilju realizacije pomenute inicijative i stvaranja preduslova za realizaciju planiranih sredstava, sa nadležnim ljekarima kantonalne bolnice “dr. Irfan Ljubijankić” Bihać s odjela onkologiju utvrđeni su kriteriji i smjernice za utvrđivanje medicinskih indikacija za dijagnostičku proceduru predmetnog testiranja.

Finansijska sredstva za realizaciju ove odluke obezbijedena su u Finansijskom planu za 2026. godinu na poziciji 613 946 28 u iznosu od 150.000,00 KM, a finansiranje usluge mamma print vršit će se u 100% iznosu.

*Odjeljenje za provođenje prava iz zdravstvenog osiguranja i ino osiguranja*

---

Buhać, 15.04.2026.